

清
實
錄

文宗顯皇帝實錄(三)

卷一七至卷一八七
咸豐四年至五年

清實錄

第四二冊

中華書局影印

清 實 錄

(第 四二 冊)

文 宗 實 錄 (三)

•

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

•

787×1092 毫米 1/16 • 69 1/8 印張

1986 年 11 月第 1 版 1986 年 11 月北京第 1 次印刷

印數 0,001 — 1,500 冊

統一書號: 11018 • 1355—42 定價: 52.00 元

清實錄第四二冊目錄

文宗顯皇帝實錄(三)

卷一一七	咸豐四年正月上	一
卷一一八	咸豐四年正月中	一九
卷一一九	咸豐四年正月下	三六
卷一二〇	咸豐四年二月上	五六
卷一二一	咸豐四年二月上	六七
卷一二二	咸豐四年二月下	九五
卷一二三	咸豐四年三月上	一一五
卷一二四	咸豐四年三月中	一四六
卷一二五	咸豐四年三月下	一八〇
卷一二六	咸豐四年四月上	二二一
卷一二七	咸豐四年四月中	二三八
卷一二八	咸豐四年四月下	二六三
卷一二九	咸豐四年五月上	二八一
卷一三〇	咸豐四年五月中	三〇二
卷一三一	咸豐四年五月下	三三一

卷一三二	咸豐四年六月上	三四三
卷一三三	咸豐四年六月中	三五七
卷一三四	咸豐四年六月下	三七二
卷一三五	咸豐四年七月上	三八二
卷一三六	咸豐四年七月中	三九二
卷一三七	咸豐四年七月下	四〇九
卷一三八	咸豐四年閏七月上	四二七
卷一三九	咸豐四年閏七月中	四四三
卷一四〇	咸豐四年閏七月下	四六〇
卷一四一	咸豐四年八月上	四七五
卷一四二	咸豐四年八月中	四九五
卷一四三	咸豐四年八月下	五〇六
卷一四四	咸豐四年九月上	五二六
卷一四五	咸豐四年九月中	五四四
卷一四六	咸豐四年九月下	五六〇
卷一四七	咸豐四年十月上	五七五
卷一四八	咸豐四年十月中	五九一
卷一四九	咸豐四年十月下	六〇二
卷一五〇	咸豐四年十一月上	六三一

文宗實錄

卷一五九	咸豐五年二月中	七三七
卷一五八	咸豐五年二月上	七二七
卷一五七	咸豐五年正月下	七〇六
卷一五六	咸豐五年正月上	六九四
卷一五五	咸豐四年十二月下	六八〇
卷一五四	咸豐四年十二月中	六六六
卷一五三	咸豐四年十二月上	六五三
卷一五二	咸豐四年十一月下	六四一
卷一五一	咸豐四年十一月中	六三二
卷一六〇	咸豐五年二月下	七五二
卷一六一	咸豐五年三月上	七六三
卷一六二	咸豐五年三月中	七七五
卷一六三	咸豐五年三月下	七八五
卷一六四	咸豐五年四月上	七九五
卷一六五	咸豐五年四月中	八一〇
卷一六六	咸豐五年四月下	八二三
卷一六七	咸豐五年五月上	八三七
卷一六八	咸豐五年五月下	八五二
卷一六九	咸豐五年六月上	八六五
卷一七〇	咸豐五年六月下	八七八
卷一七一	咸豐五年七月上	八九六
卷一七二	咸豐五年七月中	九一一
卷一七三	咸豐五年七月下	九二〇
卷一七四	咸豐五年八月上	九三五
卷一七五	咸豐五年八月下	九五〇
卷一七六	咸豐五年九月上	九六四
卷一七七	咸豐五年九月中	九七六
卷一七八	咸豐五年九月下	九八五
卷一七九	咸豐五年十月上	一〇〇〇
卷一八〇	咸豐五年十月中	一〇〇九
卷一八一	咸豐五年十月下	一〇二二
卷一八二	咸豐五年十一月上	一〇三三
卷一八三	咸豐五年十一月中	一〇四二
卷一八四	咸豐五年十一月下	一〇五四
卷一八五	咸豐五年十二月上	一〇六二
卷一八六	咸豐五年十二月中	一〇七四
卷一八七	咸豐五年十二月下	一〇九〇

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十七

蘇林恩等題道員居清太子太傅書局總纂修文淵閣副總裁翰林院學士徐家敬奏為奏請將蘇林恩等
奏請將蘇林恩等書格十二次在內中書書局總纂修官今奏請將蘇林恩等書格十二次在內中書書局總纂修官

奏請將蘇林恩等書格十二次在內中書書局總纂修官今奏請將蘇林恩等書格十二次在內中書書局總纂修官

奏請將蘇林恩等書格十二次在內中書書局總纂修官今奏請將蘇林恩等書格十二次在內中書書局總纂修官

奏請將蘇林恩等書格十二次在內中書書局總纂修官今奏請將蘇林恩等書格十二次在內中書書局總纂修官

奏請將蘇林恩等書格十二次在內中書書局總纂修官今奏請將蘇林恩等書格十二次在內中書書局總纂修官

故修

咸豐四年甲寅春正月辛丑朔

實錄卷之一百十七

上詣

奉先殿行禮○詣

堂子行禮○遣官祭

太廟後殿○詣

壽康宮前殿拈香後殿

皇貴太妃前行禮○御太和殿受朝作樂宣表

如儀詣

大高殿

壽皇殿行禮○陝西巡撫王慶雲奏報到任日

期得旨汝外省情形尚不甚熟事事總要虛
心處處皆要留心積誠相感數月後自可貫
通○福建巡撫王懿德奏克復德化縣城得

旨出力各員升酌量保奏林俊一犯嚴拏務

獲勿任兔脫○壬寅諭內閣前因舒興阿救

援廬州不力又不撥兵交和春統帶以致郡

城失守降旨將舒興阿革職令其戴罪自效

因思此等畏葸無能之員即留置軍營亦屬

無益著和春飭令舒興阿即行回旗不准逗

實錄卷之一百十七

二

遲該革員所帶之兵前已有旨統歸和春管

帶著即督率各路將弁兵勇迅圖克復廬州

如有不遵調遣者即著以軍法從事○又諭

毓通奏喀喇沙爾土爾扈特盟長署理汗印

喀屯鄂克庫濟拉噶爾情願捐輸銀兩以備

軍需呈請轉奏請旨一摺土爾扈特盟長署

理汗印喀屯鄂克庫濟拉噶爾以現在籌備

軍需具呈情願捐銀五千兩哀憫出於至誠

深堪嘉尚惟念該汗等此項銀兩藉資生計

著毋庸賞收以示朕矜恤蒙古之至意○諭軍機大臣等勝保前奏十八日進仗時連放神威礮因下藥太多以致震裂管礮章京黃周賓即時陣亡各等情朕即決其是日進仗必係失礮無疑批令據實明白回奏本日據該大臣覆奏裂礮三尊礮兵因係廢物未及護回是果有失礮情事而該大臣仍未肯明言支吾掩飾顯有不實不盡著再據實覆奏無稍含糊至各路防兵屢次諭令嚴密堵截何以任令賊匪占踞于家莊等村究係向何路竄出著即查明帶兵之員據實嚴參此股零匪僅有數百人官兵現已將賊匪圍困該大臣又派兵前往勦截務即嚴飭各路將弁趕緊將此股勦洗淨盡儻再有疏失任令竄逸惟勝保是問據奏進攻賊巢情形屢云賊勢窮蹙已極粉飾鋪張敷衍塞責而至今賊勢仍屬兇悍勝保督兵已逾三月尚未能掃穴擒渠自問於心能無愧乎總之朕惟以勦

滅賊匪為憑豈徒虛言所能了事耶現在已屆新歲勢難再寬時日著即乘機進剿迅殄賊氛無得再事遷延致干重罪將此由六百里加緊諭令知之○又諭袁甲三奏賊陷廬州請急圖克復一摺自廬郡失守疊次諭令和春督兵進剿並令其總統諸軍俾事權歸一以專責成據袁甲三奏廬州城內米糧尚足火藥缺乏正可乘逆匪守禦未備力圖克復不可專待薩炳阿秦定三之兵遷延時日致該逆又成員噶之勢總兵郝光甲楊青鶴皆係舒興阿軍營帶兵之員如果不知奮勉著和春即據實嚴參江忠源為國捐軀每一念及不勝悼惜其弟江忠濟江忠濬隨同江忠源管帶楚勇屢著勞績一門忠勇實屬可嘉著和春即將本日所降恩旨傳諭該員等加以激勵俾令仍帶兵勇隨同該提督勦賊若能始終出力不難優予恩施福濟現授安徽巡撫責無旁貸務即帶兵前往與和春合

力勦辦毋得僅以道塗阻滯供應缺乏藉詞不進致誤事機臨淮關一帶即責成刑部郎中李文安督帶鄉勇實力防勦其長淮衛十里城沫河口老鵲河等處應否撥兵堵禦著和春迅籌布置以杜逆匪北竄之路和春身為統帥務與福濟激勵兵勇迅速進剿毋稍延誤其河南陳州與皖省連界等處擒匪已諭英桂飭令徐廣縉牛鑑相機勦辦矣將此由六百里加緊各諭令知之○又諭本日據

袁甲三奏請令曾國藩督帶兵勇船礮由九江直赴安徽安慶刻下賊數無多或先克復安慶亦可斷賊歸路等語廬州為南北要衝現在為賊所據必須乘其喘息未定趕緊進剿遏賊紛竄之路曾國藩製辦船礮並所募楚勇數千人此時諒已齊備著即遵前旨迅速由長江駛赴安徽會同和春福濟水陸並進南北夾攻迅殄賊氛以慰廬念將此由六百里加緊諭令知之○又諭袁甲三奏勦辦

潁州擒匪請飭河南巡撫派員捕勦等語前有旨令牛鑑馳赴陳州等處與徐廣縉勦捕擒匪現在廬郡失陷皖省軍務正當喫緊之時而潁州擒首李士林糾合多股勢甚猖獗袁甲三已移營宿州潁郡西南鄉與豫省交界地方距宿州四百餘里計程較遠自應就近由河南派員督辦免致蔓延著英桂即飭牛鑑徐廣縉酌帶兵勇越境掩捕無分畛域以期迅速肅清勿令勾結為患其河南防堵

事宜即著英桂督率將弁並地方官實力防範不得稍有疏虞致干罪戾將此由六百里諭令知之○又諭前因舒興阿奏軍餉將次用竣諭令張祥河迅速籌款解赴軍營諒已遵照辦理現在廬郡失守正當攻勦喫緊之際需餉浩繁儻有缺乏所關匪細著王慶雲仍遵前旨督同藩司迅即籌撥銀十萬兩派委幹員解赴和春軍營應用並著該撫寬為籌備源源接濟無誤要需將此由六百里加

緊諭令知之○參贊大臣僧格林沁奏賊撲王家口如探有北犯確信即至固安截剿得旨前路逆情隨時探聽仍應會剿為是現在西面雖有竄出之賊尚有伊勒東阿等儘數防剿汝可速定進止於接奉批回摺即行覆奏○欽差大臣勝保奏連日進攻逆匪疊斃多名得旨賊匪情形並未窮蹙何得如是鋪張不過因已逾新歲敷衍搪塞若有可乘之機隨時密辦○三品卿銜兵科給事中袁甲

三奏探聞靜海逆匪已被官兵掃蕩請飭勝保督兵來皖得旨靜海之賊若已掃蕩固應如汝所籌現在實未克復也○錦州副都統維祿緣病休致所帶盛京官兵命西安左翼副都統慶齡管帶○調正白旗蒙古副都統定福為錦州副都統以頭等侍衛阿勒吉善為正白旗蒙古副都統○實授易棠陝甘總督○賞陣亡安徽巡撫江忠源第六品銜忠濬以知州用○緩徵直隸保定文安固安天

津薊甯河霸大城永清新城雄安高陽吳橋東光青豐潤玉田武清寶坻東安灤清苑安肅博野蠡祁東鹿河間阜城任邱南皮鹽山慶雲正定無極南和唐山平鄉廣宗永年邯鄲雞澤磁元城大名南樂清豐武邑衡水深澤完景平山鉅鹿南宮新河甯晉武強五十九州縣被水村莊新舊額賦及津軍廳葦漁課加賑保定文安固安天津西縣貧民一月口糧○癸卯

高宗純皇帝忌辰遣官祭

裕陵

上詣

壽皇殿行禮詣

闕帝廟拈香○諭軍機大臣等前有旨令僧格林沁統帶馬步各隊移營前進與勝保合為一軍昨據該大臣奏靜海逆匪意圖西竄擬仍由武清橫至固安攔前堵剿已於摺內批示矣現在西路本有伊勒東阿所帶官兵

儘數防勦。本日復命布彥泰馳往王慶坨。後路之防愈形周密。僧格林沁即當迅速移營。親赴前敵。不得再有耽延。推諉。該大臣督兵出京。已及四月初。時原為勝保一軍足數。勦辦是以准其駐劄。以障京師。以現在情形而論。非合力攻勦。不能迅速殄滅。若徒株守一隅。何時藏事。著僧格林沁於接奉此旨後。刻即前進。其北面防堵事宜。即交布彥泰督辦。並將如何會勦情形。迅速據實覆奏。逆賊員

嵎已久。萬不能再任稽誅。該大臣若稍事遷延。貽誤之罪。不獨勝保一人當之。也將此由六百里加緊諭令知之。○又諭前因廬郡賊勢猖獗。節經諭令向榮將和春原帶之湖南親兵七百名。飭令鄭魁士統帶赴皖。復派秦定三管帶得力兵丁一二千名。星馳赴援。廬州關繫北路要衝。若不迅圖勦滅。於大局更不可問。現在調到之兵半多未經戰陣。恐出敵不能應手。必致貽誤軍情。著向榮懷遵前

旨。即將湖南官兵並前調軍營得力之兵。派委鄭魁士秦定三迅速管帶啟程。交和春調遣。以資攻勦。不准率行請留。致有延誤。其金陵鎮江應如何力籌堵勦之處。仍著向榮周密布置。及早攻克。不得以分兵藉口。稍涉疏虞。致干重罪。將此由六百里加緊諭令知之。○又諭據向榮奏請調廣東水師提督快蟹各船並水師得力員弁兼籌借餉等語。此事屢經降旨飭調。該督撫屢次奏覆。總以窒礙為詞。然向榮前在廣西日擊勦辦艇匪。及現詢在營兩粵官弁均以粵東水師船隻為得力。且內外臣工條奏所見略同。江南賊匪騷擾經年。患在腹心。豈可再事延緩。若以經費支絀畏難不辦。或心存畛域。藉詞堅拒。該督撫素日辦事尚屬認真。不當如是。著葉名琛柏貴按照向榮所奏悉心體察。迅即選調外海水師提督船五十隻。檄調副將梁顯揚等分起管帶。剋日出洋。速赴江南。並飭屬趕緊

招募快蟹船五十隻。雇齊水勇。隨同挖罟。前往相輔協勦。仍遵前旨。諄勸伍崇曜龍元僊。蘇廷魁。或專任集捐趕辦。或專司統領開行。務期事在必成。毋令藉詞推諉。儻能同心協力。將大江賊艇。與該省陸路各軍。迅速會勦。全數掃除。則破格酬庸。朕所不吝。其福建截留駛回廣東修整之紅單船隻。亦著查明趕緊修理完竣。仍飭令陳國泰。吳全美等。管帶船礮。由海路駛赴大江。與此次選調各船。一併前往協勦。可望速殲醜類。其調赴楚北之兵丁礮匠人等。諒早已前往。想曾國藩可以帶赴安徽。足資攻勦。至頒給官票。酌借軍餉一節。並著妥籌酌辦。該督撫接奉此旨。迅將辦理情形。先行馳奏。以慰朕念。向榮片著鈔給閱看。將此由六百里諭令知之。○步軍統領聯順等奏。郭恩案內疏忽之叅將李長清等。請摘頂帶得旨。此案已隔多日。何至今年始行叅奏。況南營將弁。例不准擅入

天壇。是否另有別情。藉端叅處。著明白回奏。候旨行。○前任禮部侍郎曾國藩奏。衡永桂陽股匪未淨。情形得旨。汝以在籍人員。能如是出力。已屬可嘉。著知會撫臣。勦辦。或有汝素來深信之紳士。酌保辦理。亦可。又奏。通籌防勦情形。批。成敗利鈍。固不可逆睹。然汝之心。可質天日。非獨朕知。若甘受畏葸之罪。殊屬非是。又奏。請嚴禁銜清二縣保甲收餉弊端。又批。此應亟更易者。著知照駱秉章將改辦章程。速行覆奏。○欽差大臣向榮奏。勦賊獲勝。請飭琦善派馬隊一千名。並調廣東挖罟等船。至江南助勦。得旨。一派鋪張。並非真能得手。汝自廣西追賊至江南。徒費多兵。未見有尺寸之功。尚何面目撥江北之兵。斷不准行。汝必要撥江北之兵。可將汝首送來。又批。籌畫尚周。恐未能盡如所請。又奏。請飭令劉開泰。仍赴安徽壽春鎮總兵任。署總兵全玉貴。因打仗箭傷。請加副將銜。仍留營調遣。又

批全玉貴著賞加副將銜。俟傷痊後即赴署任。不准留營。劉開泰已授南贛鎮。所請仍赴壽春著不准行。汝係欽差大臣。專司軍務。汝營中將弁特旨簡放。何得擅留。況江南地方非汝所轄。殊屬多事。○江南提督和春奏。皖省賊勢益張。請飭向榮撥兵至江北會剿。得旨。所籌俱是。汝身經百戰。自能洞悉逆情。著奮勉力圖剿滅。速膺懋賞。已有旨諭向榮矣。○命正白旗漢軍副都統布彥泰馳赴王慶坨軍營。○命二等侍衛穆騰阿圖庫爾赴參贊大臣僧格林沁軍營。差遣委用。○甲辰諭軍機大臣等。前據僧格林沁奏。靜海逆匪竄撲王家口地方。占踞村莊數處。本日覆據勝保奏報情形大略相同。是逆匪意圖西竄。王家口霸臺一帶最為喫重。雖經勝保抽撥官兵會同那敷德堵剿。仍恐兵力不敷。僧格林沁所帶官兵本係扼賊北竄。若此時再不向前迎剿。直待有北犯確信始行向西橫截。已

落後著現在逆匪所踞多係零星村莊。大兵一到即可殄除。儻稍有遲延。致逆匪分布聯絡。靜海大股潰圍突出。勢更不可收拾。僧格林沁自接奉移營前進諭旨後。連日奏報均不免藉詞推諉。今軍情既有變遷。自不必再往獨流。即著刻日帶兵徑赴王家口霸臺一帶。盡力攻剿。務將賊踞村莊全數奪回。使西北兩路均無可竄。此係緊要機宜。亦即可乘之機會。僧格林沁若再有推諉。則平日所籌皆係虛詞。竟是臨事畏葸。大負朕之委任。諒該大臣必不敢如是也。此時賊匪占踞村莊。必當趕緊剿辦。不容殘喘苟延。免致又成負隅之勢。現在伊勒東阿等嚴防後路。該大臣必當迅速前進。斷不可俟布彥泰到營再行前往。致誤事機。一切軍情務須與勝保和衷商榷。東北與西南雖分兩路。仍無異合為一軍。不得稍分畛域。有誤大局。將此由六百里加緊諭令知之。○又諭據勝保奏逆匪勢欲

西竄。現籌勦辦各摺片。本日已諭知僧格林沁統領官軍移營王家口。嚴密堵勦。該逆乘虛肆竄。是其慣技。既據奏稱王家口霸臺一帶為遏賊西竄之衝。自應扼要堵截。僧格林沁節經嚴旨。催令迅赴前敵會攻。想日內必應趕到。勝保與該大臣共辦一事。或應分堵。或須合擊。應如何妥密布置。務須和衷商榷。互為應援。萬不可稍存意見。致有貽誤。至逆蹤剽悍。若由西而北。固關緊要。即折而南奔。亦須籌備。所稱青縣以北。程官屯等處。抽撥馬步隊分布之處。是否足資攔截。並著嚴飭帶兵各員。加意嚴防。西凌阿善祿防勦靜海。是其專責。何以屢經賊眾撲出。並不能實力抵禦。如有遷延疏懈情事。即行據實嚴叅懲辦。所有現在占踞各村莊之賊。務即乘其壁壘未堅。迅速勦除。不得任令大股續至。又成負固之勢。其獨流逆黨。仍著亟籌攻勦。務與僧格林沁隨時會商妥辦。儻再遲延玩誤。惟

僧格林沁與勝保是問。將此由六百里加緊諭知勝保。並諭德勒克色楞知之。○又諭賈禎奏順天承辦糧臺應否移歸天津支應一摺。現在僧格林沁移營王家口。該叅贊隨營糧臺。向係順天府承辦。著賈禎等仍飭令通永道海瑛。照舊供支。毋庸歸天津糧臺併辦。庶分路支應較為便利。該兼尹等務當嚴飭該道一手妥辦。以專責成。不得因該叅贊大臣移營前進。稍有貽誤。將此諭令知之。○又諭前因勝保軍營需餉孔亟。令山西巡撫籌撥餉銀三四十萬兩。已據恆春咨報分起解赴直隸。轉解軍營接濟。並准戶部奏將直隸捐輸項下銀三萬餘兩。撥解勝保軍營。以備支放。茲據勝保奏稱三月以來。僅收晉餉十七萬兩。餘均屢催未到。等語。現在勝保所統各路官兵。應給口食。竟有一二月未曾關支者。若再稽延。致令兵潰。直隸承辦糧臺各員。豈能當此重罪。著桂良嚴飭藩司。迅將山西

解款並應撥捐輸款項。星飛委解。無再遲誤。昨日據僧格林沁奏稱。逆匪竄踞東河頭梁頭莊。孫家莊。劉木勺周家莊。新莊。小米莊。李莊等處。本日勝保馳報。靜海賊匪。續又竄擾于家莊等處。王家口霸臺一帶。情形喫緊。是賊勢被勒窮蹙。欲向西南竄逸。桂良辦理防堵。業逾半載。諒已偵探明確。先期設防。其應如何巡緝堵禦。勿令匪蹤闖入。當必早有把握。著再督飭地方文武員弁。嚴密布置。以固藩籬。將此由六百里諭令知之。○步軍統領聯順等覆奏。營汛將弁失察。郭興出入天壇。奏參遲延。自請議處。得旨。所參李長清等。均照前摺所擬。聯順等均著交該部院察議。今日回奏摺內。又漏敘李長清等處分殊屬疏忽。昨日硃批。有候旨行三字。豈未看出著再傳旨申飭。○參贊大臣僧格林沁奏。北路緊要。請仍駐劄王慶坨。扼截北犯。得旨。今日已另有寄諭。現在布彥泰因有瘡疾。請假數

日。汝若輕騎先往。不若酌帶官兵。若由京再發重兵前往接防。實無可再撥。若由別省趕調。更不能濟急。本日寄諭接到。汝自明白。○長蘆鹽政文謙奏。天津兵勇需餉孔亟。奉撥山東餉銀未到。請將應行解京各衙門辦公銀兩。暫留運庫支放。其各衙門需用。請照應解原數發給寶欽。以資辦公。得旨。著戶部查照一律發給。不可專待各該衙門自行奏請。○革職留任湖北巡撫崇綸奏。防守省城兵力單弱。雇募壯丁。以張聲勢。得旨。兵勇不甚多。自應如是。扼要布置。吳文鎔出省。自擁多兵。置省垣重地於不問。殊昧大局。不知輕重。是視自己性命有重於地方。著速傳旨。吳文鎔將伊所帶之兵勇酌量撤回。以固根本。並將此原摺硃批。寄與閱看。朕豈為保一崇綸。實為鄂省民命計也。貴州巡撫蔣蔚遠奏。兵餉不繼。請催各省奉撥餉銀迅速解黔。以應急需。得旨。著戶部迅速催解。不准各處截

留○命新授順天府府尹楊霈暫留欽差大
臣勝保軍營以刑部左侍郎李鈞兼署順天
府府尹○以直隸靜海截擊餘匪不力摘總
兵官經文岱營總柏林頂帶○緩徵山東章
邱齊東濟陽德平陽信樂陵利津靈化鄒單
范漢朝城聊城堂邑清平館陶冠恩臨清邱
鄒平長山齊河臨邑陵德新城平原商河滋
陽滕嶧陽穀壽張鉅野樂安壽光濰夏津濟
甯金鄉魚臺嘉祥四十四州縣被水被旱被
風被雹村莊額賦及各項銀租有差○乙巳
諭軍機大臣等據勝保奏攻勦竄出逆匪情
形逆匪盤踞獨流靜海三月有餘尚未撲滅
淨盡現復由西南竄出占踞各處村莊雖經
善祿等督兵於初二日奪回于家莊等四處
並德坤等帶兵奪回梁頭等村三處而東河
頭一村尚未奪回難保該逆不另謀巢穴分
我兵力昨已諭令僧格林沁克日帶兵赴王
家口霸臺一帶盡力攻勦遏賊西竄之衝諒

已移營前進並諭勝保於南路程官屯等處
加意嚴防毋稍貽誤現在已將賊踞村莊奪
回七處正可乘此機會將東河頭一村立即
奪回以杜賊匪紛竄之路德勒克色楞計已
到營著僧格林沁即與勝保趕緊會商進勦
機宜既已合為一軍該大臣等有當統籌全
局合力同心會籌進勦僅仍各存意見致令
逆匪再有竄逸之處朕惟該大臣等是問將
此由六百里加緊諭僧格林沁勝保並諭德
勒克色楞知之○又諭福濟奏通籌蘆鳳大
局請就近撥兵防賊北竄一摺據稱關山形
勢險要為自江入皖緊要門戶涇溪亦為東
面直達臨淮要隘皆在蘆州後路尤宜豫防
等語自係實在情形惟前因蘆州失守降旨
令琦善撥兵四千名向榮撥兵一二千名均
歸和春調遣此時諒已陸續啟程合計和春
統帶之兵為數不少所有琦善軍營官兵未
便再行調撥現在賊踞蘆州必須迅速殄滅

則江北一帶可期漸就肅清福濟著即星速前往與和春合力進攻兵貴神速不得藉口雨雪阻滯致誤事機並飛催琦善向榮嚴飭薩炳阿秦定三將所調各兵迅速管帶赴和春軍營不可稍有稽遲該撫與和春務當勦力同心迅殲醜類臨淮關一帶前有旨令刑部郎中李文安督帶鄉勇實力防勦關山等處著該撫酌量情形撥兵堵截以杜逆匪北竄之路另片奏經費支絀請仿照成案設局

實錄卷之百

三

開捐並請將安徽江北各州縣錢糧留抵軍需等語現在廬州待餉孔亟著即照所議辦理該撫仍當督飭所屬撙節支發毋得稍有冒濫將此由六百里加緊諭令知之○以湖北官紳辦理團練出力予知府易容之等升敘有差○撥內庫銀三十萬兩解赴欽差大臣勝保軍營以備要需○貸江西建昌德化瑞昌興國都昌湖口彭澤七縣被賊難民籽種口糧○丙午諭內閣刑部奏遵旨審明刊

刻並未發鈔奏章人犯並將案內職官傳質明確請旨遵行一摺暫行革職之給事中吳廷溥著即革職交刑部定擬罪名具奏給事中鳳寶等著該部仍遵前旨照例議處尋奏遵議吳廷溥發新疆効力贖罪鳳寶等降一級留任從之○丁未

世祖章皇帝忌辰遣官祭

孝陵○諭內閣上年冬至

圓丘大祀朕以偶患駸疾未能親詣行禮私衷

實錄卷之百

三

正深乾惕茲屆

祈穀大祀自應敬謹舉行虔申忱悃惟微疴尚未全除登降猶虞虞隕越若仍遣官恭代則大禮久曠朕心益覺難安因命禮臣查照遣官分獻禮節及經由道路先期具奏原為暫省繁文期於對越之時倍昭誠敬並非輕改舊章著為成例本日據宋晉奏請停新議仍遵成憲一摺是於朕權宜申敬之衷尚未深喻所有此次親行禮節仍著照該衙門所議行一

俟朕躬步履如恆即當照常將事大小臣工當知朕應

天以實不以文之意也○參贊大臣僧格林沁

奏帶兵赴王家口調回多爾濟那木凱防王

慶坨得旨著傳旨與培成嚴密防範勿稍疏

忽現在東河頭地方尚為賊踞確實情形可

即行奏來○欽差大臣琦善奏查明瓜州等

處大股賊船全回金陵擬酌撥馬隊渡江助

勦得旨向榮已奏請調兵過江朕因金陵餘

奏卷二七

賊無多故嚴批謂汝要江北之兵可取汝首

來今觀汝奏逆賊竄回太多向榮營盤無虞

衝突蘇常一帶甚為可慮所撥馬隊若能設

法渡江固好究不若步兵為宜可撥即撥恐

向榮奉有嚴批不敢再調此次批諭著寄與

向榮看又奏遵撥官兵三千名交薩炳阿統

帶赴皖並請飭部迅籌軍餉批續觀此奏馬

隊已改撥安徽朕料汝營光景步隊尤不克

再行分撥既難顧彼失此仍應嚴扼瓜州杜

其北竄是時惟盼靜海之賊速平則江安之

逆無難消蕩所有軍餉一節已飭戶部矣又

奏潰勇傷害弁兵咨行地方官嚴懲又批潰

勇逃兵皆應嚴懲著通行江省各屬遇有此

項滋事者一概准其格殺勿論不徒弭患之

益兼可激發隨營者上進之心又奏前因揚

城勇潰賊係東竄慧成捏稱由南門竄出強

顏諉過又批汝為統帥咎無可辭慧成不肯

奏卷二七

為汝下亦是實情至汝駁伊共分其咎一語

是汝疑慮過甚總因從前汝未顧東路東路

諸臣亦未籌及西面朕平心而論厥咎維均

此數語可洞鑒汝之肺腑○以湖北攻擊黃

州賊匪獲勝賞都司劉富威花翎百長宋屏

翰藍翎○以江蘇六合團練出力予知縣溫

紹原以知府用○是日立春順天府進土牛

春山寶座○戊申諭內閣工部右侍郎玉明

和碩額駙恩醇每遇緊要差使輒先期藉詞

請假今日又均以舊疾復發請假數日殊屬